

# Sauni e lesitala ma palota.



**ELECTORAL  
COMMISSION**  
TE KAITIAKI TAKE KŌWHIRI

## Aisea e lesitala ai e palota?

Afai ua e lesitala e palota, ua maua ai lou avanoa e faaali sou finagalo i faigapalota lautele, o faigapalota faaitumalo ma palota e sailia ai finagalo o le atunuu. O faigapalota o lou avanoa lena e faaleo ai sou manatu e uiga i le tagata o le a fai mou sui e momolia sou taofi i mataupu e tāua ia te oe.

**E mautinoa o le a amanaia lou leo pe a e lesitala e palota.**



## O ai e mafai ona lesitala e palota?

*E tatau ona e lesitala pe afai:*

- ua 18 ou tausaga pe sili atu; ma
- o oe o se tagatanuu o Niu Sila pe nofo mau i Niu Sila, ma
- na iai se vaitaimi o lou olaga na faaaauai ai ona e nofo i Niu Sila mo le tausaga atoa pe sili atu.

Afai o oe o se tagatanuu o Ausetalia, Atu Kuki Maoli, Niue poo Toelau, e faatoa mafai ona e lesitala pe afai sa faaaauai ona e nofo i Niu Sila mo le 12 masina.

Afai o e nofo i se isi atunuu, e mafai ona e lesitala e palota pe afai:

- o oe o se tagatanuu o Niu Sila sa nofo i Niu Sila i le tolu tausaga ua mavae, pe
- o se tagata nofomau sa e nofo i Niu Sila ma sa e nofo i Niu Sila i le sefululua masina talu ai.

E atoa loa lou 17 tausaga ua mafai loa ona e lesitala. Pe a atoa lou 18, o le a otometi ona lesitala lou suafa i le lola palota ma ua mafai ona e palota.



## E faapefea ona ou lesitala?

E faigofie ona e lesitala pe toe faafou ou faamatalaga. E mafai ona e:

- Tagai i le **vote.nz** ma faaaogā lou laisene avetaavale Niu Sila, tusifolau Niu Sila, poo se RealMe ID e te lesitala ai i luga o le initaneti
- Vili fua le **0800 36 76 56** ma talosaga i ai e lafo atu sau pepa e faatumu

Pe a e lesitala, o le a iai lou suafa i le lola palota. E tatau ona iai lou suafa i le lola palota ina ia mafai ona e palota.

E moomia ona toe faafou ou faamatalaga i taimi uma e sui ai le tuatusi e te nofo ai.



## O manaomia se fesoasoani i le lesitalaina o lou suafa?

E mafai ona e fesili i se tasi e te iloa, e pei o sau uo poo se isi o lou aiga, pe te fesili i le lesitala mo tou tagata palota, e fesoasoani atu i le faatumuina o lau pepa lesitala, pe faatumu foi e ia mo oe.

E moomia ona e sainia le pepa.

Afai e te silafia se tasi e lē mafai ona ia faatumu ma saini lana pepa lesitala, ona o se lē atoatoa o le tino poo le mafaufau, e mafai ona e fesoasoani i ai.

Tagai i le **vote.nz** e te silafia ai nisi faamatalaga i le auala e fesoasoani ai i se tasi e lesitala e palota.



## Lesitala e palota pe afai o oe o se Maoli

Afai o Maoli lou tupuaga, ma o le taimi muamua lenei ua e lesitala ai, e tāua lava se filifiliga e tatau ona e faia. E te filifili poo fea le lola palota e te manao e lesitala ai: o le lola palota mo le atunuu lautele poo le lola palota mo tagata Maoli.

O lau filifiliga e aafia ai le itumalo faapalota e te palota ai i le faigapalota lautele.

Afai e te filifilia le lola palota mo le atunuu lautele, o le a e palota mo se sui tauva i se faigapalota lautele. Afai e te filifilia le lola palota a Maoli, o le a e palota mo se sui tauva i le itumalo faapalota a Maoli. Poo lē fea lava le lola palota o loo e lesitala ai, ae tutusa lava vaega faaupufai e mafai ona e palota i ai.

O le lola palota e te filifilia e mafai ona aafia ai lau palota i faigapalota faaitumalo. Afai e te iai i le lola palota mo Maoli, ma o loo iai se itumalo faapalota a Maoli i le tou pulega faaitumalo, e te palota la mo le sui tauva i le itumalo a Maoli.

Afai e toe sui lou mafaufau ae ua uma ona fai lau filifiliga i le lola palota e te lesitala ai (Maoli poo le palota lautele), e mafai ona toe sui lau lola palota i le taimi o le Maori Electoral Option, lea e ta'i 5 tausaga ma fai.



## O e popole i lou saogalemu?

Afai o loo e popole i le saogalemu o oe poo lou aiga, e mafai ona e talosaga e tuu lou suafa i le lola palota e lē faailoaina faalauaitete. O le a matou puipuiamalu faamatalaga o lau lesitala ma e lē tuuina atu i se isi lava tagata.

Talanoa i le lesitala mo tou tagata palota, tagai i le **vote.nz** pe vili le **0800 36 76 56** mo nisi faamatalaga ma se pepa faatumu.



## E moomia nisi faamatalaga?

Mo nisi faamatalaga i le lesitala ma palota:

- Tagai i le **vote.nz**
- Tagai i le **facebook.com/VoteNZ**

O loo maua faamatalaga e faatatau i le lesitala ma palota, i gagana e 27 i le **vote.nz**.



**ELECTORAL COMMISSION**  
TE KAITIAKI TAKE KŌWHIRI